

## ■ ORD LA VITA DA LUDMILLA CAHENZLI

# Ils 25 dal mais è il di dal spendrament – betg sulet per Ludmilla

La frestgera cuntegna be pli Lsenf ed agl setg. Da baiver datti be pli aua da spina. Ed ils uffants survegnan per da pausa biscottas sitgas. Uschia è la situaziun avant ils 25.

Ils 25 è lura il di dal spendrament. La paja è sin il conto! Jau, Ludmilla Cahenzli, pos prender l'auto e charrar cun il davos dagut benzin tar il tancadi. Perclitg vai engiu!

Suenter vom jau en stizun. Là Semplenesch jau dus chars cun las mangiativas elementaras ch'ina famiglia moderna dovra ozendi: tustgets, zutgers, pommes chipes, glace, red bull, ketch-up, sirup, conservas etc. Sa chapescha cumpr jau era chaussas sanadai-vlas: raviolis da spinat e salata lavada, tagliada e pachetada en scarnuzs igienics da plastic. Latiers sosa finida che sa lascha ma-naivel tegnair fin l'onn 2016.

Il quint a la cassa summa a raddund 400 francs. Tut loscha

ch'jau pos puspè cumprar tanta rauba, chatsch jau mia charta d'ec en l'apparat e paj.

Il pachetar la rauba è adina in stressun. Durant ch'jau sun londervi da pachetar mes battaclanc, incassescha la cassiera per il solit tar pliras clientas, ed jau cun mias bleras tastgas occupesch memia bler plaz.

Avant trais mais, cura ch'jau Aer gist entamez il stress da pachetar, è capità insatge fitg penibel: Sper mai en stizun è ina dunna ch'jau enconusch atgnamain mo a mesas. Era ella sto festinar da pachetar sia mantunada da mangiativas en var diesch tastgas. Aha, pens jau. Qua è anc in'otra che sto emplenir stgaffas vidas. Jau fatsch la remartga: «Neve, igl è bain flot, sch'ins po puspè cumprar tut quai ch'i dovra.» La dunna, ch'jau enconusch mo a mesas, fa ina fatscha severa e dumonda. «Pertge?»

Ed jau: «Oz èsi ils 25. La paja è sin il conto, ed ins ha puspè raps da far cummissiuns.»

La dunna ma guarda sco Lsch'jau fiss ina creatira d'in auter planet. E suenter duas secundas che ma paran da cuzzar ina mesa perpetnada di ella: «Ma quella fasa munglass ins avair surmuntà en nosa vegliadetgna.» Igl è sco sch'ella m'avess slavazzà ina lumpa bletscha enturn las ureglias. Jau quesch e ma concentresch da plazzar ils jogurts uschia ch'els na vegnan betg splattargnads durant il transport.

Ella ha raschun, pens'jau. Jau Esun ina persuna malmadira. Jau na vegn betg da tegnair a mastrin mias quaidas e dun ora da buna fai ils daners fin ch'i ha nagut pli sin il conto. E gliez è per il solit il cas gia disch dis suenter che la paja è vegnida.

Plain admiraziun guard jau suenter a la dunna ch'jau enconusch mo a mesas. Ella stau-

scha ses char cun ina tscherta resolutadad e sa mova cun dies grad tras la fulla. Jau ma regord ch'insatgi ha ina giada raquintà ch'ella saja contabilista. Cler! Quai èsi. Sco contabilista han ins adina la survista davart sias finanzas. Ins ha sut controlla tuttas expensas. Na cumpra mai insatge malniz-zavel. Il conto na vegn mai en las cifras cotschnas. Ins na fa mai putgàs, sco jau, Ludmilla Cahenzli. E probabel èn ins insumma in meglier carstgaun.

Jau ma turpegel e fatsch il pro-piest: En mia proxima vita davent'jau contabilista.

In mais pli tard inscuntr jau I puspè la contabilista ch'jau enconusch mo a mesas. I capita en la medema stizun. Jau vegn gist si da garascha ch'jau ves ella. Ella emprova da manavrar in char tgemblà cun mangiativas vers l'ascensur. Ella ma salida da surengiu sco quai ch'i descha ad ina contabilista che ha sut controlla sias finanzas. Jau la salid da quai teme-

litg da sutensi, sco quai ch'i descha ad ina paupra putganta che n'ha betg sut controlla sias finanzas.

Ma cura ch'jau pass sper ella Mora ma pari tuttenina curius: Pertge entaup'jau questa valerusa contabilista atgnamain adina ils 25? Pertge na ves'jau mai ella ils 30, ils 7, ils 15 u ils 20 dal mais cura ch'jau vom a far las cummissiuns curtas? Curius! U forsia plitost dubius?

Forsia enconusch'jau gea questa buna contabilista bler meglier che mo a mesas.

Oz èsi puspè ils 25. Jau ma legr gia da pudair ir a far cummissiuns. Betg mo perquai ch'jau pos puspè emplenir mias stgaffas, mabain era per entupar la buna contabilista cun ses char tgemblà. Quella giada stend jau lura era il culiez e salid da surengiu, sco quai ch'i descha ad ina Ludmilla ch'è vegnida a savair ils misteris d'ina contabilista.